

BOSNA I HERCEGOVINA
FEDERACIJA BOSNE I HERCEGOVINE

ZENIČKO-DOBOJSKI KANTON
SKUPŠTINI ZENIČKO-DOBOJSKOG KANTONA PUTEM STRUČNE SLUŽBE

POS LANIK: **ZAIMOVIĆ ĆAMIL**

BREZA, 27.07.2017. GODINE

PREDMET: **POSLANIČKO PITANJE**

Zavod zdravstvenog osiguranja ZE-DO kantona, odgovarajući na vijećničko pitanje, kojim je zatražena dostava podataka o iznosu koji je refundiran osiguranicima sa područja općine Breza za troškove prevoza zbog odlaska na liječenje van mjesta prebivališta, u svom podnesku, broj: 02-37-6517/15 (A.A) od 10.07.2015. godine, naveo je da je članom 31. Zakona o zdravstvenom osiguranju regulisano pravo osiguranika na naknadu putnih troškova u vezi sa korištenjem zdravstvene zaštite.

U istom podnesku u daljem tekstu navedeno je:

"Međutim, provedbeni propisi o visini, kriterijima i načinu korištenja naknade troškova prevoza, predviđeni Zakonom o zdravstvenom osiguranju još nisu doneseni, tako da se ovi troškovi osiguranim licima, do donošenja istih, ne mogu odobravati."

Postojeći pravni propisi koji regulišu institut naknade troškova prijevoza u vezi korištenja zdravstvene zaštite Rudnika Breza, su sljedeći:

1. Članom 31. Zakona o zdravstvenom osiguranju ("Sl.novine FBiH" broj 30/97,7/02,70/08, i 48/11), propisano jeda se sa obaveznim zdravstvenim osiguranjem, u slučajevima i pod uslovima određenim ovim zakonom, osiguranicima osigurava:

- a) zdravstvena zaštita,
- b) naknada plaća,
- c) naknada putnih troškova u vezi sa korištenjem zdravstvene zaštite.

Navedeni zakon je stupio na snagu 1997. godine.

2. Članom 48. istog Zakona propisano je da osigurana lica u ostvarivanju zdravstvene zaštite imaju pravo na naknadu putnih troškova u vezi sa korištenjem zdravstvene zaštite. U stavu 2. istog člana propisano je da se pod putnim troškovima NE PODRAZUMIJEVA PREVOZ KOLIMA HITNE POMOĆI (na šta nas je bivši direktor ZZO ZDK gosp. Begić usmjeravao, akt broj 02-31-6517/15 od 10.07.2015. godine).

Članom 22. Pravilnika o načinu ostvarivanja prava iz zdravstvenog osiguranja ("Sl.novine FBiH" broj 31/02), propisano je da Uputnica izabranog doktora medicine sadrži, pored ostalih podataka, i visinu putnih troškova osiguranog lica i pratioca ako je neophodan u skladu sa propisom nadležnog organa kantona.

- ako ih izabarni doktor medicine primarne zdravstvene zaštite uputi ili pozove u mjesto izvan mjesta rada ili prebivališta, odnosno boravišta.

4.Član 50. propisuje:

Naknada putnih troškova iz člana 48. stav 1. ovog zakona, pripada osiguranim licima za najkraću udaljenost do doktora medicine, odnosno zdravstvene ustanove i to u visini troškova prijevoza javnim prijevoznim sredstvom. Ukoliko nema javnog prijevoza ili zdravstveno stanje osiguranog lica zahtijeva drugu vrstu prijevoza, odobrava se odgovarajući prijevoz, odnosno naknada za korištenje istog.

Provedbene propise o visini, kriterijima i načinu korištenja naknade troškova prijevoza iz stava 1. i 2. ovog člana donijet će nadležni organ kantonalnog zavoda osiguranja.

Članom 51. Zakona propisano je da naknadu putnih troškova ima pratilac osigurane osobe, ako je po ocjeni doktora medicine primarne zdravstvene zaštite, osiguranoj osobi u slučaju iz člana 49. ovog zakona prijeko potreban pratilac za vrijeme putovanja.

Članom 53. Zakona propisano je "Pravo iz obaveznog zdravstvenog osiguranja može ostvariti samo osoba kojoj je utvrđen status osigurane osobe".

Članom 99. Zakona, alineja 3. i 5., propisano je da Kantonalni zavod zdravstvenog osiguranja:

1. Obavlja poslove u svezi s ostvarivanjem prava osiguranih osoba, stara se o zakonitom i pravodobnom ostvarivanju tih prava te im pruža stručnu pomoć u ostvarivanju prava i zaštite njihovih interesa.
2. Određuje kriterije i način korištenja te visinu novčanog iznosa za naknadu putnih troškova u vezi s korištenjem zdravstvene zaštite i naknadu za pogrebne troškove.

Članom 110. Zakona propisano je da nadzor nad zakonitošću rada kantonalnog zavoda osiguranja, odnosno Federalnog zavoda osiguranja i reosiguranja obavlja nadležno tijelo uprave kantona, odnosno Federacije.

Statutom Kantonalnog Zavoda zdravstvenog osiguranja broj: 01-100-37-545/08 od 18.02.2008. godine, u članu 16. propisano je da se u poslovnicu Kantonalnog zavoda vrši **UTVRĐIVANJE PRAVA, OBRAČUN, LIKVIDACIJA PUTNIH I DRUGIH TROŠKOVA U VEZI SA OSTVARIVANJEM ZDRAVSTVENE ZAŠTITE.**

Stoga, uzimajući u obzir sve gore navedeno molim Vas da nam utvrdite stvarno dugovanje ZD RMU "Breza" d.o.o. Breza, ukoliko bi se svi ovi platni nalozi izmijenjali a računi „isprebijali“ - kompenzirali. Rudnik Breza podržava Vaš trud da se konačno u Ze-do kantonu svi dužnici obavežu na plaćanje zdravstvenog osiguranja.

ZAIMOVIĆ ĆAMIL dipl.ing.rud.